

Broj: 10-14/5-362-1-5-8/19  
Sarajevo, 15.08.2019. godine

Na osnovu člana 70. st. (1), (3) i (6) Zakona o javnim nabavkama BiH („Službeni glasnik BiH”, broj 39/14), na Preporuku Komisije za javne nabavke za 2019. godinu, federalni ministar poljoprivrede, vodoprivrede i šumarstva, d o n o s i

## **O D L U K U**

### **o izboru najpovoljnijeg ponuđača**

#### **I**

Na osnovu provedenog konkurentskog zahtjeva za dostavu ponuda sa objavom obavještenja na portalu Javnih nabavki broj: 855-7-2-7-3-7/19 od 16.7.2019. godine, okvirni sporazum za nabavku avio karata za potrebe Federalnog ministarstva poljoprivrede, vodoprivrede i šumarstva na period od dvije godine se dodjeljuje ponuđaču “Fortuna Trade Tours” d.o.o. Mostar, za ponudu broj: 37/2019 od 19.07.2019. godine u iznosu od **100,00 KM** bez PDV-a.

#### **II**

Okvirni sporazum o nabavci dostavit će se najpovoljnijem ponuđaču iz tačke 1. ove Odluke najkasnije 15 dana od dana kada se svi ponuđači obavijeste o izboru najpovoljnije ponude.

#### **III**

Ova Odluka će biti objavljena na službenoj internetskoj stranici Federalnog ministarstva poljoprivrede, vodoprivrede i šumarstva, [www.fmpvs.ba](http://www.fmpvs.ba) i dostavit će se ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

Uz ovu Odluku, ponuđačima koji su učestvovali u postupku javne nabavke izvršiće se dostavljanje i Zapisnika o pregledu i ocjeni ponude u skladu sa članom 71. stav (2) Zakona u roku od 7 (sedam) dana od dana donošenja.

#### **IV**

Za realizaciju ove Odluke zadužuje se Sektor za finansije i računovodstvo.

#### **V**

Ova Odluka stupa na snagu danom donošenja.

## **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 10-14/5-362-1-5/19 od 02.7.2019. godine. Javna nabavka je provedena putem konkurentskog zahtjeva za dostavu ponuda, radi zaključivanja okvirnog sporazuma sa jednim ponuđačem na period od dvije godine.

Za predmetnu javnu nabavku ugovorni organ je dana 16.7.2019. godine, objavio obavještenje za podnošenje ponude i tendersku dokumentaciju na Portalu javnih nabavki, broj: 855-7-2-7-3-7/19.

Do krajnjeg roka utvrđenog u Pozivu za dostavu ponuda, do 29.7.2019. godine, do 12,30 sati ponude su dostavili sljedeći ponuđači i to: “Gobook” d.o.o. Visoko, “Fortuna Trade Tours” d.o.o. Mostar i “Relax Tours” d.o.o. Sarajevo.

Komisija za javne nabavke za 2019. godinu (u daljnjem tekstu: Komisija) održala je javno otvaranje ponuda u postupku predmetne nabavke dana 29.07.2019. godine sa početkom u 13,00 sati, u sali na V spratu Federalnog ministarstva poljoprivrede, vodoprivrede i šumarstva, Hamdije Čemerlića broj 2, Sarajevo.

Komisija je prije otvaranja ponuda zaključila sljedeće:

1. da je ukupan broj pristiglih ponuda 3 (tri),

2. da je blagovremeno zaprimljeno 3 (tri) ponude,
3. da je neblagovremeno zaprimljeno 0 (nula) ponuda,
4. da su kovertne neoštećene, uredno zapakovane i zapečaćene,
5. da je na kovertama evidentiran redni broj prema kojemu se utvrđuje redoslijed otvaranja i čitanja ponuda, prema vremenu dostavljanja na protokol ugovornog organa.

Komisija je prilikom otvaranja ponuda javno saopćila podatke o nazivu i sjedištu ponuđača, ukupnu cijenu ponude i popust, ne ulazeći u sadržaj i validnost dostavljene dokumentacije.

Komisija je po okončanju otvaranja ponuda, dana 14.08.2019. godine, pristupila analizi i utvrđivanju validnosti zaprimljenih ponuda, nakon koje je utvrdila da sve ponude zadovoljavaju uslove iz Tenderske dokumentacije, u skladu sa kriterijem ekonomski najpovoljnija ponuda, te je utvrđeno je da je najpovoljniji ponuđač za nabavku avio karata za potrebe Federalnog ministra poljoprivrede, vodoprivrede i šumarstva ponuđač "Fortuna Trade Tours" d.o.o. Mostar, jer zadovoljava tehničke i ekonomske uslove iz tenderske dokumentacije i ne prelazi procijenjenu vrijednost za predmetnu nabavku.

Rang lista nakon primjene kriterija ekonomski najpovoljnija ponuda prema redoslijedu zaprimljenih ponuda:

R. b.	Naziv ponuđača	Cijena	Broj bodova	Rok rezervacije (sati)	Broj bodova	Rok plaćanja	Broj bodova	Ukupno bodova
1.	"Gobook" d.o.o. Visoko	846,00	9,45	24	0,41	30 dana	5,00	14,86
2.	"Fortuna Trade Tours" d.o.o. Mostar	100,00	80,00	1	10,00	60 dana	10,00	100,07
3.	"Relax Tours" d.o.o. Sarajevo	427,00	18,73	20	0,50	35 dana	5,83	25,06

Naime, u skladu sa Tenderskom dokumentacijom gdje je kao kriterij za dodjelu okvirnog sporazuma navedena ekonomski najpovoljnija ponuda, a kao podkriterij su navedeni cijena (80 %), rok rezervacije (10 %) i rok plaćanja (10 %), Izabrani ponuđač ("Fortuna Trade Tours" d.o.o. Mostar) je, kako je gore navedeno, ocijenjen sa ukupno 100,00 bodova, dok je drugi ponuđač ("Relax Tours" d.o.o. Sarajevo) ostvario 25,06 bodova, a treći ponuđač ("Gobook" d.o.o. Visoko) ostvario je 14,86 bodova.

U skladu sa navedenim, utvrđeno je da je "Fortuna Trade Tours" d.o.o. Mostar dostavio najprihvatljiviju ponudu u predmetnom postupku javne nabavke avio karata te je odlučeno kao u Dispozitivu ove odluke.

U skladu sa navedenim, na osnovu člana 70. st. (1) i (3) Zakona o javnim nabavkama, odlučeno je kao u dispozitivu ove Odluke.

#### **Pouka o pravnom lijeku**

Protiv ove Odluke može se izjaviti žalba Uredu za razmatranje žalbi BiH putem Federalnog ministarstva poljoprivrede, vodoprivrede i šumarstva, u roku od 5 (pet) dana od dana prijema ove Odluke i to u pisanoj formi i u dovoljnom broju primjeraka a koji ne može biti manji od tri.

#### **Dostaviti:**

1. "Fortuna trade tours" d.o.o. Mostar;
2. "Relax tours" d.o.o. Sarajevo;
3. "Gobook" d.o.o. Visoko;
4. Sektor za finansije i računovodstvo;
5. Komisija za javne nabavke;
6. Spis predmeta;

Obrađivač akta: Komisija za javne nabavke

